

馬士王皇本行集卷之十

國家圖書館, NATIONAL CENTRAL LIBRARY, TAIWAN, R.O.C.





國立中央圖書館臺灣分館



皇帝萬歲萬萬歲

2008.2.18 NATIONAL CENTRAL LIBRARY, TAIWAN, R.O.C.



本行經序

天猷副元帥冲和應善天尊普化大帝序

原夫

大道無形妙萬物而資始

至真罔象攝群心而自歸其若洪鍾叩之立

應邈哉

上聖至誠遂通恭惟

本行經者

玄皇之妙言

穹昊之機要

國家圖書館, NATIONAL CENTRAL LIBRARY, TAIWAN, R.O.C.



浮黎真境紀談授道之初
紫微上宮顯露緘藏之迹實
諸天之隱韻乃

大梵之仙章八角垂芒本由於
宸翰

千真列衛普度於人靈年劫孰究世數莫知
蓋大地衆生迷謬喪失真源自壞形體耽惑
情慾不能洗滌

聖文遂隱今日崑山玉顯巨海珠分獲覩
瓊文伏增驚歎所謂幽因重繫沐

國家圖書館, NATIONAL CENTRAL LIBRARY, TAIWAN, R.O.C.



妙義以荐原痼疾沉痾仰
德音而煩愈昏衢慧炬溟渤舟航保
國寧家濟生度死
金編玉軸浩劫難量非慕
真風曷挈斯理聊序大要以化未萌云耳

凡欲誦經先須撥棄事物焚香端坐瞑目少時息
除念慮不得雜想故經云諸念不生萬緣頓息奉
戒持齋冥心

大道生尊重心持誦是經如近
帝轉誦之時直至卷終勿令中歇亦不得與人交



設若形留神往外寒內搖如秋蟬亂鳴雖萬卷何益蓋誦經之時有

天真護持三界侍衛如或心生怠慢反招罪愆一如報應神驗品所載可不謹畏哉

淨心口咒

丹朱口神

吐穢除氛

舌神正倫

通命養神

羅千齒神

却邪衛真

喉神虎賁

氣神引精

心神丹元

令我通真

思神鍊液

道炁長存

急急如律令



淨身神咒

靈寶天尊

五臟玄冥

朱崔玄武

安土地咒

元始安鎮

土地祇靈

回向正道

備守帝庭

護法神王

安慰身形

青龍白虎

侍衛我身

普告萬靈

左社右稷

內外澄清

太上有命

保衛誦經

弟子魂魄

隊伍紛紜

急急如律令

嶽瀆真官

不得妄譖

各安方位

搜捕邪精

皈依大道



元亨利貞

淨天地咒

急急如律令

洞中玄虛

晃朗太元

八方威神

使我自然

靈寶符命

普告九天

軋羅荅那

洞罡太玄

斬妖縛邪

殺鬼萬千

中山神咒

元始玉文

持誦一遍

却鬼延年

按行五岳

八海知聞

魔王束首

侍衛我軒

幽穢消蕩

道炁長存

急急如律令

雲篆太虛

浩劫之初

乍還乍通



或沉或浮
天真皇人
次書靈符
昭昭其有
塵勞溺可浮

五方徘徊
按筆乃書
元始下降
冥冥其無
幽明將存歿

一丈之餘
以演洞章
真文誕敷
沉滯能自痊
由是昇仙都

至心禮奉

仰啓三清境
無上玄穹主
妙道難思議
導引塵迷趣

無上三境尊
仰啓三清界
造入資玄門
臣今淨三業

仰啓大羅天
侍宸諸真衆
妙經袂玄蘊
口誦及心持

國家圖書館, NATIONAL CENTRAL LIBRARY, TAIWAN, R.O.C.



存
惟願大慈悲 開受臣所請 慈光燭卑賤
聰聰聆音聲 願臣諷誦時 響徹十方界
成就一切願 如經所稱述 從此漸進脩
成道事諸聖

至心皈命禮

王清聖境清微天宮。鬱羅蕭臺之中。森羅淨
泓之上。現有為之梵相。具無極之神通。敷演
真玄。破無有色空之礙。徧提趣類。絕智愚高
下之分。妙用難窺。靈機罔測。大悲大願。大聖
大慈。無量度人。元始天尊。



至心皈命禮

上清真境萬餘天宮紫微瓊臺之中玄都玉
京之上接元始虛皇之統系聖超西那玉國之
根苗聖入棗米珠聖盡揭真玄之精粹聖在香林苑
屢談秘要之筌蹄聖妙德難思神通莫議大悲
大願大聖大慈無量度人靈寶天尊

至心皈命禮

太清仙境太赤天宮巍巍金闕之高渺渺重
霄之上降生於無量數劫說法於萬二千年
五千秘言融聖三才之妙道八十餘度接六趣

國家圖書館, NATIONAL LIBRARY OF TAIWAN, R.O.C.



之衆生聖德崇高玄功廣博大悲大願大聖
大慈無量度人降生天尊

至心皈命禮

妙有真境彌羅上宮曩示現國王之身即根
本帝尊之質始相湛寂實至玄至妙以難言
嗣位繼傳妙無等倫而相踵聖父之慈悲
父至尊之最上尊稱讚難窮皈依莫盡大悲
大願大聖大慈光嚴妙樂國王聖父天尊

至心皈命禮

妙有真境彌羅內宮慈顏烜春日之和懿範



凜秋霜之肅純全梵炁先天地以素存化現
妙身歷后妃而示應具一氣胚胎之妙寓帝
身生化之殊萬化祖根衆生慈母大悲大願
大聖大慈寶月光天后聖母元君

至心皈命禮

紫金金闕白玉王京住妙有之境中處玄真
之天上功成道備故妙相卓冠於諸天心廣
體胖故慈光徧燭於三界位尊而上極無上
道妙而玄之又玄真聖宗師天人依仗大悲
大願大聖大慈穹蒼聖主玉皇天尊



至心皈命禮

光嚴園內。妖樂土中。聖母凝神。夢於虛無。道
君授玉質於恍惚。慈愛和遜。弗貪萬衆之尊。
榮。忍辱仁柔。不憚億劫之儲累。功高無比。德
重難踰。大悲大願。大聖大慈。現無量功德之
身。玉皇天尊。

至心皈命禮

尊居帝位。高慶天宮。遍遊於一切。白玉京中。
普現於十方。黃金闕內。定而能應。去來自在。
以無拘。合而可分。變化圓通。而莫測。演清淨

國家圖書館, NATIONAL CENTRAL LIBRARY, TAIWAN, R.O.C.



鮮脫之道。濟沉迷。苦之後。自然而然。非識
可識。大悲大願。大聖大慈。現清淨自然之身。
玉皇天尊。

至心皈命禮

昔為玉嗣。苦建玄功。三千餘劫之修行。有如

一日。億萬生靈之拯度。廣及十方。雖法身由
胎臍之胚。渾無諒聖體。由道原之變化。不壞不
滅。香亡香存。大悲大願。大聖大慈。現神明堅
固。不壞真空。無上法身。玉皇天尊。

至心皈命禮



九華玉闕七寶皇家承天稟命之期主陰執
陽之柄道推尊而含弘光大德教蓄於柔順
利貞效法昊天根本育坤元之美流行品物
生成施母道之仁岳瀆是依山川咸伏大悲
大願大聖大慈承天效法后土皇地祇

志心懺悔

臣等自從無始劫

無明煩惱覆真心

常行殺盜與邪淫

兩舌妄言并綺語

誹謗大乘真正教

聞亂親朋離間人

貪嗔癡暗縱三心

喜怒愛惡增七慢

國立中央圖書館藏



歷劫罪愆難記憶
歸依上聖大慈悲
萬劫千生諸罪垢
將此身心奉上真

志心發願

多生塵垢莫能量
發露真心伸懺悔
願從懺悔悉消除
惟願罪根悉原宥

願眼常觀玉毫相
願鼻常嗅衆妙香
願身不染邪淫穢
發心上報四重恩
廣運慈悲隣一切

願耳常聞說法聲
願舌常讚無上道
願意常存正信心
發願下濟三途苦
廣行方便度衆生

國家圖書館 NATIONAL CENTRAL LIBRARY TAIWAN R.O.C.



仰惟玉帝大慈悲
加護願心悉成就

玄蘊咒

大哉元始
無量度人
演清淨教

登引天真
玄座說法
寂然無聲

玉帝放光
喜慶難言
是為心傳

亦曰天根
大圓滿咒
瑤章洞文

集以成書
敷落神真

臣今東向誦
願與天齊并

存亡俱證果
永度愛河津

國立中央圖書館, NATIONAL CENTRAL LIBRARY, TAIWAN, R.O.C.



太上洞玄靈寶高上玉皇本行集經卷上

清微天宮神通品第一

應運說法章

爾時 元始天尊在清微天中玉京金闕七
寶玄苑玉皇宮殿昇光明座與無鞅數衆宣
說靈寶清淨真一不二法門

來機與會章

是時 玉皇尊帝與諸真聖飛天大聖無極
神王靈童玉女九千萬人清齋建節侍在側
焉



知時放光章

于是 玉帝知時欲至即於會前舉六通力
放大光明遍照諸天無極梵剎一切境界皆
大震動十方無極一切世界俱同琉璃玻瓈
無有隔礙

十方來集章

十方聖衆並乘五色瓊輪琅與碧輦九色玄
龍十絕羽蓋麟舞鳳唱嘯歌嘽嘽靈妃散花
金童揚煙讚謠洞章浮空而來

金仙普至章



是時梵天一切金仙大乘菩薩四衆八部承
斯光照皆乘碧霞九靈流景飛雲玉輿慶霄
四會三辰吐芳飛香八湊旋遶道前雨衆妙
花如雲而下遍覆會前

光照下方章

是時帝光遍照諸天下燭十方無極世界同
玄都境凡彼人間上近九天通接交連至親
至通凡彼下方無極世界山陵坡坂溝澗溪
谷緬平如掌六合至通三境非遼天寶臺殿
星羅人間瓊瑰羅列朗耀雲衢七寶欄楯以



界道路玉樹仙花清詩環珠實景秀丹田芝草之
覆綿時彼下方皆見諸天鈞天妙樂隨光旋
轉自然振響又復皆見鸞詩嘯鳳唱飛鳴應節
龍戲麟盤翔舞天端諸天寶花零亂散落徧
滿道路

神通感效章

是時凡聖駭異幽暗開光天人悅慶踊躍詩權
忻凡夫學士盡得飛昇仰觀劫初寶臺俯詩眄
紫雲彌羅是諸世界一切人民咸臻道炁白
首面皤皆得化度紺髮朱顏少壯幼稚轉得

國立中央圖書館



形容光澤美好苦惱痊平普蒙解脫安樂快
然天下歌謠忻國太平

枯朽化生章

當爾之時神風遐著萬炁揚津天震地裂枯
骨更生沉尸飛魄皆起復形艷都鐵圍長夜
九幽即時破壞地獄眾生化生諸天三惡道
苦一時解脫時諸罪輩以斯光力得生十方
諸大天宮

分身化現章

爾時玉帝即分其身遍於十方諸大天宮



令諸天宮自然化現白玉為京黃金為闕七
寶玄苑大光明殿具光明座幢節幡蓋異寶
奇花遍布是處

分演妙道章

爾時 玉帝即以所分之身遍於是處白玉
京中黃金闕內七寶玄苑大光明殿光明座
上普為十方演說清淨解脫之道

聞香解脫章

時化 玉帝各以無量天真大聖妙行真入
靈童玉女侍列左右是諸玉女顏容姝妙端



嚴奇特天珍異寶莊嚴身相言音清徹衆所
樂聞如是諸女其身復出微妙解脫自然之
香是香芬馥周遍諸天極妙樂土及餘大地
一切福處六道一切衆生聞是香者普蒙開
度所謂天道入道魔道地獄道餓鬼道畜生
道若諸天道一切天人或有能聞是此香者
五衰四相永得除滅轉增天福若諸人道王
臣妃庶或有能聞是此香者即得人天長壽
之樂身或滅度及得脫殼尸解之道若諸魔
道一切諸魔或有能聞是此香者安慶天宮



聞戰之苦各得休息若諸地獄道一切衆生
或有能聞是此香者離地獄苦得淨土樂若
諸餓鬼道一切餓鬼等或有能聞是此香者
即得飽滿無饑渴惱若諸畜生道一切畜生
或有能聞是此香者脫畜生苦得智慧樂

承光覺悟章

爾時諸生天罪衆既得生是勝天宮已緣承
慈光攝受之故便得覺悟各各明了罪福因
緣與諸眷屬作天伎樂來詣帝前是諸衆等
各各含悲俱發聲言前後經千劫萬劫不見



三光常處黑闇三惡道中多受苦惱伏蒙
玉帝方便放光愍救我等皆生天上是諸惡
業悉皆滅盡無諸繫滯皆得往生仰朝
玉帝各到道場是諸生天一切罪衆說是語
已稽首復位

妙音開度章

爾時 玉帝出大妙音普告十方諸天聖衆
汝等諦聽此諸罪輩曠劫以來縱無明性造
十惡業六塵徧染三業縈纏肆意任心曾無
覺悟陰罪陽過日積月深背道違真順邪棄



正舉心運念動結懣尤遂使命過之後身落
三途不得解脫若非今日遇是法筵何由出
離

移接天人章

爾時諸天化身 玉帝即以神通不動其所

移接天人皆令得至清微天宮玉清聖境

元始會下是諸衆等不覺不知是時

天尊衆會見是十方 玉帝化身普皆來集

天尊會前如無邊明鏡照諸影像互相容入

時諸大衆稽首瞻仰 玉帝化身聖中最尊



增長清信益加志樂心無退轉起大堅固時
諸天人通得生天忽覩天尊勝會道場清
淨第一無為功德之所莊嚴踴躍歡喜一時
作禮歎未曾有

化生本行章

爾時十方諸化玉帝俱復一體從法席起
北向長跪天尊言曰往昔去世有國名號
光嚴妙樂其國王者名曰淨德時王有后名
寶月光其王無嗣嘗因一日作是思惟我今
將老而無太子身或崩歿社稷九廟委付何

國立中央圖書館藏



人作是念已即便勅下詔諸道衆於諸宮殿
依諸科教懸諸幡蓋清淨嚴潔廣陳供養六
時行道徧禱真聖已經半載不退初心忽夜
寶月光皇后夢太上道君與諸至真金姿
玉質清淨之儔駕五色龍輿擁耀景旌蔭明
霞蓋是時太上道君安坐龍輿抱一嬰兒
身諸毛孔放百億光照諸宮殿作百寶色幢
節前導浮空而來是時皇后心生歡喜恭敬
接禮長跪道前白道君言今王無嗣願乞
此子為社稷主伏願慈悲哀愍聽許爾時



道君答皇后言願特賜汝是時皇后禮謝
道君而乃收之皇后收已便從夢歸覺而有
孕懷胎一年于丙午歲正月九日午時誕于
王宮當生之時身寶光燄充滿王國色相妙
好觀者無厭幼而敏慧長而慈善于其國中
所有庫藏一切財寶盡將散施窮乏困苦鰥
寡孤獨無所依怙饑饉瘡殘一切衆生仁愛
和遜歌謠有道化及遐方天下仰從歸仁太
子父王加慶當爾之後王忽告崩太子致政
脩念浮生告勅大臣嗣位有道遂捨其國於



普明香嚴山中脩道功成超度過是劫已歷
八百劫身常捨其國為群生故割愛學道於
此後經八百劫行藥治病拯救衆生令其安
樂此劫盡已又歷八百劫廣行方便啓諸道
藏演說靈章恢宣正化敷揚神功助國救人
自幽及顯過此已後再歷八百劫亡身殞命
行忍辱故捨已血肉如是脩行三十二百劫
始證金仙號曰清淨自然覺王如來教諸菩
薩頓悟大乘正宗漸入虛無妙道如是脩行
又經億劫始證



玉帝說是語已法蓮清衆異口同聲嘆未曾有

玉女妙行章

爾時衆中有一玉女名曰夜光從座而起嚴整衣冠從容雅步長跪道前白天尊言臣

宿昔何幸仰侍御前親奉供養已經億劫

三清境界金闕玉京寂淡逍遙快樂自在嬉

遊聖域餐聽法音未嘗見此希有之事不審

向來光內所現十方諸天變現聖境皆有

玉帝應化法身天真大聖妙行真人靈妃王

RESERVE, NATIONAL CENTRAL LIBRARY, TAIWAN, R.O.C.



女以為侍衛是諸玉女相貌端嚴形體姝妙
出眾妙香無與等者復蒙

玉帝神通移接今皆普集在清微天未審今
此玉女以何因緣得證如是無上色身思惟
聖慈示以未悟爾時 天尊謂夜光玉女言

汝固初入聖流雖有智慧未能明了此諸玉
女乃自往昔無量劫中脩諸妙行具解脫門
同清淨信同清淨解同清淨念同清淨行同
清淨身同清淨心同清淨意同清淨果同清
淨報同大慈心同大悲心覆護衆生如母撫



念愛於赤子奉戒專一冥心大道清齋弘誓
千萬劫中尊奉

玉帝此諸玉女非實是女皆天至真為度群
生現玉女身是故身色神通智慧隱顯變化
與帝同焉爾時夜光聞是說已心得開悟稽
首歡喜默然復位

天主讚仰章

爾時高虛清明天主與諸天眷屬馭八景鸞
與蔭九光寶蓋奏玄歌妙樂詠無量洞章散
天寶花噴天天真香飛步遊空來詣道前承

國家圖書館, NATIONAL CENTRAL LIBRARY, TAIWAN, R.O.C.



天尊 玉帝威神之力是諸寶花即於空中
化一寶蓋蔭覆大衆無不周徧是時高虛清
明天主見此希有稽首長跪白 天尊

玉帝言賤臣懈怠後會法筵今日吉慶興此
法橋幽顯聖凡普霑聖澤放大光明現希有

相上照諸天四梵六慾一切樂土諸真聖衆
覩此光明悉皆雲集下照下方無極世界同
玄都境近接九天靈風奏樂宮商相和激朗
雲庭皆成洞章一切衆生咸臻道化酆都鐵
圍長夜九幽一切地獄受苦衆生盡承光力



皆生諸天得受快樂今日所散天寶奇花旋
結成蓋遍覆大衆盡乃斯光威神之力臣等
十劫良因九天運會皇道蕩蕩正法興隆今
日大吉咸仰玄功是時高虛清明天主以偈
讚 玉帝曰

金闕玄穹主

高上玉皇尊

妙相冠諸天

慈光燭三界

真聖妙道師

天人依仗師

大乘垂法語

真一指迷徒

功德若虛空

讚揚無窮盡

是穹蒼主浩劫之尊妙見妙知無等無倫湛

國立中央圖書館臺灣分館



冥真靜香亡香存上聖上靈大神通光明藏
大丈夫開化人天教道無窮大慈大悲流煥
法輪為度群生是號
玉皇穹蒼真老妙圓清淨智慧辯才至道至
尊開度衆生故演是光爾時高虛清明天主
說偈讚嘆已

垂教斷障章

天尊普告四衆云是 帝身即道身也非常
體也是無量功德之身是清淨自然之身是
神明堅固不壞真空無上法身威靈恢廓名

國家圖書館, NATIONAL CENTRAL LIBRARY, TAIWAN, R.O.C.



聲周徧無幽不聞神奇堂堂難可稱焉是
帝非有為功德之所熏脩而帝昔雖下生
人間多劫行化示大神通而身清淨未嘗不
在金闕分身變化應現隨方利濟群生超昇
道岸普垂教法開悟後人依按奉行登真成
道以斯功德之所莊嚴是故光明常充諸天
神智妙達莫可度量是身光明皆具妙號所
謂大神通光大慈悲光大喜捨光大忍辱光
大平等光大柔和光大自在光大力益光大
如意光大智慧光大吉祥光大解脫光大歸

國立中央圖書館藏



依光大功德光大圓滿光大無礙光無能勝
光是故汝等欲見是 帝乃不可得者緣以
汝等尚於身口不捨結習煩惱行業由是障
故不能得觀是 帝慈顏吾今為汝時會衆
等宣示斷障之法汝等大衆宜各奉行時諸
大衆不勝喜躍各於至尊几前稽首作禮俱
欲願聞

天尊言曰斷障之法當生大悲無起疑惑無
起貪嗔無起淫慾無起嫉妬無起殺害無起
凡情無起凡思無起貪妬無起聲色無起是

國家圖書館, NATIONAL CENTRAL LIBRARY, TAIWAN, R.O.C.



非無起憎愛無起分別無起高慢無起執著
凝神澄慮萬神調伏心若太虛內外貞白無
所不容無所不納無令外邪亂其至道牽失
真宗敗其靈根盜其至寶致爾萬劫永墮凡
流透入俗網萬魔來攻百千萬劫不聞妙法
鬼神執誅從生入死是故汝等應當志心善
護真宗無令喪失如前所說如是諸障汝等
各各當除斷之身得清淨超度諸難是名道
寶持法棟梁更當備奉是此經典如近是
帝生尊重心著想

2023/08/01, NATIONAL CENTRAL LIBRARY, TAIWAN, R.O.C.



尊容稱揚名號然後汝等得觀慈顏咸蒙護
度普聞妙法親奉供養永無流轉是時四衆
聞已歡喜歎未曾有

太上洞玄靈寶高上玉皇本行集經卷上



國家圖書館, NATIONAL CENTRAL LIBRARY, TAIPEIN, R.O.C



國家圖書館, NATIONAL CENTRAL LIBRARY, TAIWAN, R.O.C



太上洞玄靈寶高上玉皇本行集經卷中

太上大光明圓滿大神咒品第二



爾時天地始祖五老上帝稽首長跪白

天尊言伏聞高上玉皇慈念蒼生普放神

光照燭法界六凡四聖普叨道蔭竊以凡夫

短景劫運將終正道宜行以濟兆民使脩真

之子有期輕舉末代烝民俱獲壽考自昔

元始洞玄靈寶赤書玉篇真文生於元始之

先空洞之中天地未根日月未光幽幽冥冥

無祖無宗無氣無象無色無名無形無緒無

國立中央圖書館藏



音無聲混沌太無靈文蒼謁乍存乍亡二儀
待之以分太陽待之以明靈圖革運玄象推
遷乘機應會於是存焉 玉帝授臣靈寶祕
篆大不可思議神咒故天地得之而分判三
景得之而發光靈文鬱秀洞映上清發乎始
青之天而色無定方支勢曲折不可尋詳元
始鍊之於洞陽之館治之於流火之庭鮮其
正文瑩發光芒洞陽炁赤故號赤書靈圖既
煥萬帝朝真飛空步虛旋行上宮燒香散花
口詠靈章是時天降十二玄瑞地發二十四

ESKIMU NATIONAL CENTRAL LIBRARY, TAIWAN R.O.C.



應上慶九天之靈龜讚三天之寶明神風旣
鼓皇道咸暢元始登命太真按筆玉妃拂筵
鑄金為簡刻書玉篇五老掌錄祕於九天靈
都之館王女典香太華執中玉童侍衛玉陛
朝軒九天上書非鬼神所聞故天寶之以致
浮地祕之以致安五帝掌之以得鎮三光乘
之以高明上聖奉之以致神高尊賞之以致
真五岳從之以得靈天子得之以致治國祚
享之以太平實靈文之妙德乃天地之玄根
威靈恢廓普加無窮蕩蕩大化為神明之宗



其量莫測巍巍乎太空明真有格今當以行
是時元始革運玄象開圖靈文鬱秀神表五
方分判天地開化萬靈此大宗之業可得暫
披於靈韞乎今皇道敷暢澤被十方仰觀劫
運真風宜行臣中心實欲使雲塵八避風灑
蘭林寒條仰希華陽之繁朽骸蒙受靈澳之
津仰對元慈下仲丹懇惟願哀憫俯念蒼生
不審靈寶王篇真文可得見授下教於未聞
者乎於是元始天尊撫几高抗凝真遐想
觀時已至普謂時會一切真聖論定陰陽推



數劫會移校河源檢錄天度選擇種人指拈
太無肅朗九玄永無開聽於陳辭有若閉凝
求真之路是時五老上帝啓問不已良久
元始天尊乃垂盼眄之容慨爾歎曰微乎深
哉子今所叩豈不遠乎此元始靈寶之玄根
空洞自然之真文生天立地開化神明施鎮
五岳安國康民靈寶玄妙為萬物之尊天發
玄瑞靈應自然今三天整運六天道行雜法
開化當有三萬六千種道以擇來者之心此
法運訖三龍之後庚子之年雜氣普消諸天



慶會吾真道乃行今且可相付當錄於上館
未得行於下世玄科有禁不得便傳子可詣
靈都紫微上宮視天音於金格取俯仰於神
王然後當使得備天文以總御元始之天也
於是五老上帝與諸真聖清香執戒徘徊雲
路嘯命十天上詣三清太玄玉都寒靈丹殿
紫微上宮受俯仰之格乃知天真貴重難可
即聞還乃更詣元始天尊諮以禁戒之儀
遜謝不逮是時天尊慈顏愍喻靈闢廓開
登命五老上帝開洞陽玉館披九光八色之



韞雲錦之囊出元始靈寶赤書玉篇真文金
書玉篆微妙秘密運御乾坤大光明圓滿大
神咒王章以付五老上帝及諸真聖使依玄
科按法以傳

是時東方安寶華林青靈始老蒼帝所受神
咒誥命

東方九炁始皇青天碧霞鬱壘中有老人
總校圖錄攝炁舉仙

歲星輔肝角亢鎮真炁心尾四景迴旋
其主七辰正斗明輪承炁捕非掃除灾群



東山神咒攝召九天赤書符命制會鄧山
速魔送鬼所誅無蠲悉詣木宮敢有稽延
下制東河溟海水神大劫洪灾蛟龍負身
水府開道通運百千上帝赤文風火無間
右玉皇誥命以錫東方安寶華林青靈始老
蒼帝九炁天君令統御東方諸天諸地日月
星宿名山靈洞水府泉宮上聖高尊真仙聖
衆一切威靈符命所臨如誥奉行

南方梵寶昌陽丹靈真老赤帝所受神咒誥命
南方丹天赤帝王堂中有大神號曰赤皇



上炎流煙三炁勃光神仙受命應會太陽
熒惑輔心井鬼守房柳星張翼抗御四鄉
軫摠七宿迴轉天常召運促會正道驛行
赤文命靈北攝鄴山速送魔宗斬滅邪根
符教所討明列罪原南山神光威伏八方
群妖滅爽萬試摧亡

南河水帝太伯龍王神咒流行普掃不祥
洪水飛災上召蛟龍開除水逆千道萬通
敢有干試攝送火宮赤書所告莫有不從
右玉皇誥命以錫南方梵寶昌陽丹靈真老



赤帝三炁天君令統御南方諸天諸地日月
星宿名山靈洞水府泉宮上聖高尊真仙聖
衆一切威靈符命所臨如誥奉行
中央寶劫洞清至寶元靈元老黃帝所受神
光誥命

中央摠靈黃上天元始生五老中皇高尊
攝炁監真摠領群仙典錄玄圖宿簡至文
催運上炁普告萬神

鎮星輔脾迴度北元魁魁主非截邪斬根
耀魁耀魘掃穢除氛懸正玄斗明度天關



九天符命金馬驛傳

敕攝北帝還塞鬼門翦除不祥莫有當前
中山神咒召龍上雲制會黃河九水河源
不得怠縱善惡分千妖萬姦上對帝君
敢有干試太陽激憤赤書玉字宣告普聞

右玉皇誥命以錫中央寶劫洞清玉寶元靈
元老黃帝一炁天君令統御中央皇天后土
日月星宿名山靈洞水府泉宮上聖高尊真
仙聖衆一切威靈符命所臨如誥奉行

西方七寶金門皓靈皇老白帝所受神咒誥命



西方素天白帝七門金靈皓映太華流氛
白石戕戕七炁氤氲上有始生皇老大神
摠領肺氣主校九天檢定圖錄制召上仙
太白檢肺奎婁宇魂胃昴畢觜主制七關
參摠斗魁受符北元

赤書玉字九天王文擢召萬炁普歸帝君
西山神咒八威七傳符水上龍召山送雲
在所校得同到帝門輔衛上真斬滅邪源
若有不祥截以金關赤書符命風火驛傳
右玉皇誥命以錫西方七寶金門皓靈皇老



白帝七炁天君令統御西方諸天諸地日月
星宿名山靈洞水府泉宮上聖高尊真仙聖
衆一切威靈符命所臨如誥奉行
北方洞陰朔單薈絕五靈玄老黑帝所受神
咒誥命

北方玄天五炁徘徊中有黑帝雙皇太微摠
領符命仙鍊八威青裙羽褐龍文鳳衣上
帝所舉制到玉階

北辰輔腎斗牛衛竊女虛危室豁落四開
璧搖七星執凶糾非却灾掃穢明道動輝



北山神咒激陽起雷流鈴煥落櫻天鎮威
北鄴所部萬妖滅摧

九河傾訖烏母群飛蛟龍通道水陌洞開
赤文王書驛龍風馳

右玉皇誥命以錫北方洞陰翔單鬱絕五靈

玄老黑帝五炁天君令統御北方諸天諸地
日月星宿名山靈洞水府泉宮上聖高尊真
仙聖衆一切威靈符命所臨如誥奉行

是大神咒者 元始之妙言 玉皇之真誥

上清自然之靈書九天始生之玄扎空洞之



靈章上聖之秘語正晨之尊典成天立地開
張萬真安神鎮靈成生飛民庄御運度保天
長存上制天機中檢五靈下策地祇肅命河
源運役陰陽召神使仙比至真之妙文神應
自然致天高澄令地固安保鎮五岳萬品存
焉王帝昔授五老上帝是時五帝跪捧其章
祕題靈都之館天真皇人昔書其文掌之於
上清真境太玄王都寒靈丹殿紫微上宮累
經劫運而其文保固天根無有毀淪與運推
遷是大神咒混之不濁穢之愈清毀之不滅



滅之極明大有之文天真所尊自無金名帝
圖刻簡來生斯文隱秘不得闖聞有得之子
保萬炁長存勤行脩奉刻致神仙

洞玄靈寶玉皇功德品第三

爾時王虛上帝白天尊言惟願慈悲願為

四衆帝釋等及四梵天王一切諸天一切諸
仙及未來一切衆生持是經人說利益事爾
時天尊告王虛上帝言快哉斯問不亦善
乎汝以慈悲愍念衆生故請問於我

天尊言曰若有三界十方無量國土或兵戈



並起疫氣大行水旱蟲蝗凶灾饑饉是其國
君后妃太子宰輔大臣當發慈悲為其黎庶
遍勅國內州縣鎮宰令諸道流清淨嚴潔于
其觀內設大齋醮六時行道為轉此經當得
國土清平五穀豐熟黎庶安泰若復有人入
諸山林遇毒惡獸但能存想一念真經山神
衛護猛獸自退終不害已若入江入海採寶
求珍值遇惡風如法持念是此真經風浪頓
止安穩達岸若在軍陣戈戟既接兩刃相交
存心默念是此真經是諸惡賊悉自退散若



在牢獄枷鎖之中淨心定慮存念真經冤枉
自伸即得解脫若為邪精鬼賊衆苦所加如
法持念是此真經衆邪遠避自然除愈若人
為求嗣息如法尊重持念此經

帝勅天曹明檢丹籍九品之內四果仙人運

應數合謫降下生差其作子才辯明慧人中
尊貴若婦人臨難之月如法持念是此真經
即得母子平安生福德男女人所愛敬若為
求官進職爵祿亨達貴遇人君如法持念
是此真經即得職務遷轉子孫榮遇世世不



絕若人欲求資財殷富如法奉持是此真經
即得財寶充溢衣食自然慶流子孫傳之萬
世若人被諸惡星之所照臨困苦牀枕如法
持念是此真經是諸惡星返降吉祥若人命
過應入地獄注名惡籍父母師長夫妻男女
當為亡人持念真經致安置道場幡花供養
即得亡者鬼籍盡除神生淨土同苦罪衆咸
蒙護度承斯勝利皆生天上又此經所在之
處常有十天至真大聖無極飛天神王侍衛
供養持是經人當得自稱為正一真人是人



在處自得十方至直至聖金剛力士潛護其
人如護己身若出若入遊行之處百邪避路
魔鬼殄除精靈伏藏一切災殃不能侵近是
持經人命欲終時更不見諸地獄惡相即見
天宮一切王女持幢下迎而生天上如天福
盡下降人間即得千生萬生中常遇
帝主令國土清平人民樂業兼得為臣獲宿
命通導奉大道展轉脩持至登道岸是持經
人獲福如是又若有持是經人若雨下時起
大悲心如法向空念此經三卷一遍其雨所



霑面所向方一切衆生五逆十惡一切重罪
悉皆消滅一切重病使得痊愈是諸衆生命
終之後不墮地獄神生淨土蓮花化生何況
持是經者又若有持是經人若行於道路值
大風起吹是持經之人觸身之塵是塵所霑
一切衆生一切惡業悉皆滅盡更不墮三惡
道當生天上故知持經功德不可思議是持
經人若在江在河在海沐浴其身是水所霑
其中衆生魚鼈龜鼉一切水族是諸衆罪悉
得除滅盡此一報之身命過之後更不受胎



卵濕化一切等身是持經人口出一切語言
一切天魔外道聞者皆是清淨法音是持經
人若遇諸神廟能為其神誦詠是經是諸鬼
神得聞是經即脫鬼趣登真仙道恭敬是經
如奉是 帝若人在世不孝父母不敬三寶
殺生偷盜邪淫妄語作種種極重罪業將命
終時若有道心正信衆生於亡者未氣斷時
起大悲心于其頭邊念 帝尊號或一七二
七三七四七乃至百遍千遍是其亡者生前
所造諸不善業悉得消滅更不墮諸惡趣神



昇九天何況受持是此經者又若復有人自
從往劫乃至今身輪轉人天漂沉世役積千
億萬過在於己身若遇是持經人影暫映其
身如為經光之所攝受或與同語或聞其聲
如奉經言道語慰諭彼人罪障永得除滅又
若持是經人造作長幡書帝名號于其幡
上懸諸長竿或是觀宇或在家庭是幡被諸
風吹所指方面一切衆生皆霑勝利一切惡
業悉得除滅又若有持是經人書帝名號
在一切有聲物上或鍾或磬鈴鐸鐃鼓一切



道具法事之属或入道場或以戲擊或被風
觸是聲出時或遠或近一切衆生聞是聲已
所有罪障悉得清淨又若有持是經人了悟
生死深入山林脩真學道或特登臨上山顧
望目所及處山林溪谷含生品類有形無形
胎卵濕化動植飛潛種種諸類所有罪業永
得除滅身心清淨命終生天何況受持是此
經者當知是人即是道藏功德身也爾時
天尊謂王虛上帝言今我略說未盡其妙若
廣說之凡流邪見疑惑不信是經功德窮劫



難言爾時至虛上帝聞是說已心生歡喜不
勝踊躍瞻仰慈顏稽首讚歎而作頌曰

九天之上謂之大羅王京金闕雲層我我
中有天帝仁慈惠和至道無敵降伏衆魔
天寶靈符王律金科神仙億萬幢幡衆多

聞者罪滅永出愛河是號王皇穹蒼真老
妙圓清淨智慧辯才至道至尊三界師混
元祖無能勝主四生慈父高天上聖大慈
仁者十號圓滿萬德周身無量度人拔生
死苦



爾時至虛上帝說是頌及十號已是諸天衆
異口同音歎未曾有

太上洞玄靈寶高上玉皇本行集經卷中

太上彌羅無上天妙有玄真境渺渺紫金闕
太微玉清宮無極無上聖廓落發光明寂寂
浩無宗玄範總十方湛寂真常道恢莫大神
通

玉皇大天尊玄穹高上帝



國家圖書館, NATIONAL CENTRAL LIBRARY, TAIWAN, R.O.C.



高上王皇本行集經卷下

國家圖書館, NATIONAL CENTRAL LIBRARY, TAIWAN, R.O.C.



太上洞玄靈寶高上玉皇本行集經卷下

天真護持品第四



爾時昊天上帝聞說經法從座而起長跪

帝前白言 王帝願為大衆及諸人天持是

經人說利益事爾時 玉皇尊帝興方便意

開利益門宣王匱科傳靈寶法告於昊天

帝言汝今諦聽當為汝說受持功德扶危拔

苦利益存亡神妙之事衆真稽首俱發聲言

弟子臣等今日幸聞湛然常住之法莫不上

福三界諸天下消三塗毒害惟願慈悲愍臣



等故演斯妙義
玉帝告曰若有眾生孝養
父母恭敬三寶竭忠於君不殺不盜不淫不
妬不真不恨不驕不詐奉戒持齋冥心大道
生尊重心持誦是經我即勅下周流沙界遍
傳十方無極世界

勅命東方東華帝君青騎神仙兵馬無鞅數
衆悉令下降覆護受持是此經者

勅命東南扶桑大帝與其部衆神仙兵馬無
鞅數衆悉令下降覆護受持是此經者

勅命南方朱陵大帝赤騎神仙兵馬無鞅數



衆悉令下降覆護受持是此經者
勅命西南太華元老與其部衆神仙兵馬無
鞅數衆悉令下降覆護受持是此經者
勅命西方皓靈皇老白騎神仙兵馬無鞅數
衆悉令下降覆護受持是此經者

勅命西北皇天上帝與其部衆神仙兵馬無
鞅數衆悉令下降覆護受持是此經者

勅命北方紫微帝君黑騎神仙兵馬無鞅數
衆悉令下降覆護受持是此經者

勅命東北冲虛天君與其部衆神仙兵馬無



降覆護受持是此經者
勅命降魔力士四門王五岳四瀆及餘諸
山四海九江十二河源山林川澤一切主者
令與眷屬覆護受持是此經者諸險惡處令
得安穩

勅命所在一切土地靈官并溝渠等一切諸
大力鬼王皆令覆護受持是此經者令衆魔
外道悉皆懾伏潛形遁迹高飛海外遠避他
方如是山林社稷廊廟血食之賓一切鬼神
當自消滅五方行病瘟疫鬼帥諸惡鬼神并



風王水恠孽龍妖神土精木魅盡自消滅五
虛六耗夢寐乖常野道咒咀蠱毒之類皆自
消滅心欲願者一切如意皆得滿足是持經
人或未能依科脩齋未具淨戒以能信受
尊重景慕是此經典并同脩齋護淨戒者是
人功德坦然無礙自在逍遙號人中聖德惠
長新同諸真人爾時昊天上帝聞是說已即
於帝前乃為歌曰

大哉至道無形無名渺渺億劫黃道開清
神清朗耀九魂吐精王虛澄輝太霞高明



王皇開化溥度天人三元道養二象攝生朽
樹故根已枯使榮蠢動蛸息長生化形懷
胎含孕俱得生成亡者命過魂歸三清魄
受鍊度南宮飛昇今日大吉皆得光明五
帝鑑映普告萬靈天神地祇及與河源五
岳四瀆及諸名山洞玄洞靈洞空洞仙無
極大聖至真尊神無窮無極普監度生惡
根斷絕玄都記名衆真班列咸聽帝言經
是帝勅保誦持人至度道岸無使灾侵我
奉帝命一切咸聽



爾時昊天上帝說是歌已告大衆言此
玉皇妙法語諸聖秘密言路絕道斷微妙難
思巍巍大範為神明之宗保鎮國土授度生
死爾時昊天上帝說是語特法慈清衆咸仰
道言溥得開悟于是天尊而說偈曰

玉帝功德大 玄理極幽深 生於浩劫前
運化於古今 我今說妙經 愍念諸有情
此誠極妙法 功德中功德 名號最上乘
無比為第一 大光明王尊 威德聖希有
能破暴惡魔 皆令心降伏 能滅極重罪



皆令得清淨
稽首生恭敬
五逆於父母
保護人天衆
人間見厄難

若人聞是經
一切罪消滅
信心一稱名
四相與五衰
三年饑饉喪

或聞是帝名
十惡四重罪
隨聲盡消滅
三塗極重苦
毒藥及厭魅

刑獄與冤家
虎豹豺狼等
水火及盜賊
蛇蝎毒惡蟲

軍陣鬪戰苦
江海毒龍類
蠱毒所中心
邪魔凶恠神

山林惡道中
迅雷風雨雹
失志發狂亂
伺求人便者
惡病久沉綿

2025 RELEASE UNDER THE NATIONAL CENTRAL LIBRARY, TAIWAN, R.O.C.



夢寐亦不安
緣遇是經故
財寶及富貴
神威自在仙
二十八宿王

非理欲殘命
安穩得自在
以此經功德
衆德十一曜
靈妃王女等

殄滅不為殃
所有希求願
如意皆稱遂
三十二天主
天神及地祇

三界虛空神
宮殿與宅舍

江海諸龍王
山林樹木衆

水火及風神
溝渠井泉神

由持是經故
子孫居富貴
若為求男女

一切皆擁護
出言人希聞
持誦此真經

衣食常自然
所至皆恭敬
帝詔下天曹



落籍天仙人
顯貴人崇重
延及父母親
是故我今說
皆令達上清

謫降生其家
七祖盡昇仙
吉祥常熾盛
大衆宜諦聽

為其作男女
光大慶其門
灾障不能侵
慈悲度一切

于是 天尊普告四衆凡人持念此經受持
帝名皆道根深重宿有善緣此經尊妙普度
天人但精心恭奉家國安寧保命度灾掃諸
不祥天子王侯得奉之者致國太平凶寇自
夷邊域不爭飛民歌唱普天興隆運推數周

國立中央研究院臺灣史研究所



正道當行有得之者天真妙重秘之秘之

洞玄靈寶報應神驗品第五

爾時慈悲度厄真人尋聲救苦真人濟生度
死真人萬福護身真人俱從座起越班而出
俱白 天尊言若諸世末凡夫雖宿有善緣

得遇是經被諸邪障之汙本末疑惑不信是
經功德如是之人見在過去於諸地獄得何
罪報惟願聖慈說其報應惡趣諸苦是特
天尊謂四真人云若諸世間剛強暴惡不善
衆生終日竟夜對諸道像無恭敬心出誹謗



語是罪當墮五無間獄若得值遇是持經人
設諸方便誘引勸諭如是之人能滅惡心信
向是經彼人罪業淨盡無餘又若有邪見愚
執惡人覩持是經生諸惡逆偏邪視乃至
起一惡心發一惡言謗讟如是持經之人其
罪過是命終之後墮大地獄永無出期何況
世間衆生得遇是經不生敬仰撒手汙觸兼
口讀誦牀榻不淨便將安置或讀是經講習
俗語共同戲笑以為常典如是之人命過之
後墮無間獄永無出期殃緣九祖受拷酈都



累及後世害纏子孫是人于地獄中歷無量劫受大苦惱遇無邊聖累承救拔罪惡小減又遇聖人救拔得出生餓鬼中歷千萬劫不聞漿水之名鬼報得出生畜生中畜生報出若生人中更生邊表外道而復女身貧寒困苦瘡殘百病受無量苦人所棄擲求生不得求死不得輕斯經故獲罪如是又若復有人初雖信受後復慢易善惡童子十奏三官黑簿添名青編減算身歿之後拘閉幽牢往復三塗無由解脫或於見世受種種病疥癩癰



瘴以為莊嚴憂悲苦惱日夜相煎而身或被
橫惡所加或牢獄繫鎖非分自害誤食毒藥
或被虎狼毒蛇之所食噉或為冤家之所讐言
對或行山林值遇惡人被仇屠割推落崖岸
或被邪精魑魅之所殘害或值水火之所焚
漂或被刀兵之所橫誅輕斯經故橫喪天年
獲如是果獲如是報可不悲歟可不痛歟故
報汝等依此奉行勿生邪念若諸念不生萬
緣頓息塵沙惡業隨心消散一切灾魔自然
殄滅此之功德不可思議是誠無比最上妙



法諸經之王有大利益非人勿示若諸天人
五衰四相輪迴侵逼能捨除忘想受持是經
坐招自然天福益固身度三界與道長存是
此經典無與等無能勝是大威德大神咒能
令一切枯槁便生枝葉花果茂盛能除衆生
極重苦惱能令短命衆生而得長壽此經功
德不可思議歎莫能盡若不宿植道種廣種
福業乃至名字亦不得聞何況得見是經依
三洞真格八萬劫一傳此清都至真上聖所
寶秘於王京金闕宸宮甚為微妙難可得遇



此經宿有仙骨當為九天真仙之人得遇斯
文承斯緣故後當齊金寶從盟師受之方當
承機應運乃可付焉不可輕泄教之慎之於
是天尊重宣此義為說偈曰

設使江河水 波浪能生蓮 慈鳥毛能白

如經故難遇 設使龜生毛 堪採為衣服

冬月能消冰 如經故難遇 設使蚊蠅足

堪構為舟橋 能載一切重 如經故難遇

設使黃口雀 能御諸太山 擲之他方界

如經故難遇 設使一葉舟 力能載崑崙



浮渡於大海
口能生巨齒
設使蓬蒿葉
如經故難遇
嚙食共相飼

如經故難遇
其大如象牙
能覆無鞅界
設使烏梟類
如經故難遇

設使諸水蛭
如經故難遇
陰庇無鞅衆
同樹一巢栖
設使兕生角

堪用爲梯磴
設使羆鼠等
如經故難遇
復能作歌舞
能飲鍾石酒

上窮有頂天
緣於兕角梯
設使駟顏唇
如經故難遇
迷荒而沉醉

如經故難遇
色如蘋婆果
設使蠅蟲等
如經故難遇

國立中央圖書館藏



爾時 天尊宣說偈已普告四衆是故持是
經人名功德身一切有情被其麼故持是經
人名神通身一切吉祥咸臻集故持是經人
名清淨身是諸惡業不能侵故持是經人名
威德身天魔異道不能攝故持是經人名無
等身上帝謠唱萬神敬故持是經人名堅固
身惡劫大難不能損故持是經人名道藏身
口出語言鬼神仰故持是經人名慈悲身六
道衆生賴其善故持是經人名大道身出入
所在無怖畏故持是經人名良醫身善行妙

ASIAN LIBRARY, NATIONAL CENTRAL LIBRARY, TAIWAN, R.O.C.



法安樂人故持是經人名光明身常為
帝光所攝受故持是經人名自在身天宮妙
境神能遊故持經功德說不可盡又若道士
至人能結壇誦經著新淨衣於夜半後闌寂
獨處清淨室中叩齒九通東向端坐誦詠是
經於是時也太真御几王妃拂筵萬神班列
諸天臨壇三界侍衛五帝司迎然後閉目靜
思存想是經不覺身處五雲之內俄見其身
光明赫奕上昇天宮衆真下迎心有所請一
切應奉仙丹妙寶隨意自得故當依科閉心



奉行此經乃至三世金仙十方大聖皆從此
經依按脩奉故得超證無上妙道是此
帝也諸佛之師衆聖之王是故凡夫值遇是
經致五帝輔翼召使神仙御役神官運道陰
陽千靈敬仰萬神懾伏百邪避路群魔束形
命過之後即得南宮受鍊飛步上清逍遙自
在與道長存又設復世間衆生曾聞是經心
常渴仰能於家中擇清淨處畫
帝尊像日夜虔虔晨昏濟濟香花燈果尊重
供養稱名瞻禮是人當得三十種上妙功德

國立中央圖書館



一者諸仙讚重
三者宿殃解脫
五者無盜賊事
七者除水火厄
九者夜夢吉祥
十一者智慧聰明
十三者衣食豐盛
十五者六親見喜
十七者除三惡報
十九者形容端嚴

二者先亡生天
四者所往通達
六者所求遂心
八者橫事潛消
十者疾病不臨
十二者人見歡喜
十四者子孫榮貴
十六者門族和睦
十八者轉女成男
二十者為國大臣

國家圖書館, NATIONAL CENTRAL LIBRARY, TAIWAN, R.O.C.



二十者生逢盛世
二十三者得宿命通
二十五者九族受蔭
二十七者有情賴善
二十九者決超三界

二十二者鬼神欽仰
二十四者諸神護念
二十六者處世長年
二十八者魔王保逆
三十者白日上昇

爾時天尊復告四衆此經功德能碎鐵圍諸
山竭苦海水破大地獄拔重罪苦降暴惡魔
護諸國土能滅一切惡鬼能除一切重病能
解一切惡毒能離一切惡人能伏一切毒獸
能催一切邪道一切諸天皆令降伏其餘功

國立中央圖書館, NATIONAL CENTRAL LIBRARY, TAIWAN, R.O.C.



德說不可盡爾特道場大衆金仙菩薩真聖
眷屬聞是說已歡喜踊躍稽首敬禮而作頌曰
大哉至道
下濟幽魂
丹臺紫府
無宗上真
上無師祖
金闕王京
秘此妙法
惟道為身

溥福含靈

滅我萬罪

增我遐齡

萬神朝禮

魔王保通

功德昌盛

黃籙書名

渺渺億劫

使我長存

於是衆等說是頌畢稽首歸依奉辭而退
太上洞玄靈寶高上玉皇本行集經卷下終



回向懺悔文

龍章鳳篆已殫歌咏之誠鶴駕鸞輿重興鑒

觀之惠臣謹炷真香重誠奏啓

道經師寶元始萬神王光會中一切聖真恭

望恩光重垂證鑒臣向來某事者誦

王皇本行集經幾部教保某事所宣經典罔

敢不虔其崇業力障魔神志錯亂所立根軌

自然想來脫畧混殽顛倒重疊臨文徇意字

誤句差乖清濁之正音泥解會之邪見事奪

其志心不在經問對起居斷絕隔越久誦懈

國立中央圖書館, NATIONAL CENTRAL LIBRARY TAIWAN, R.O.C.



怠因事念真嚴潔或涉於垢塵肅敬或成於
瀆慢身口服用之不淨衣冠禮貌之不虔供
失如儀處非其地卷舒搖亂墜落脫傷不專
不恭大慚大愧伏願慈悲憐憫赦釋罪愆庶
使誦持得臻感格所祈所願如志如心尚慮
經中傳授或誤刊寫多訛其師其人悉皆懺
悔伏道威力願罪消除常轉法輪普度群品
為如上緣稽首稱念

太上無極大道

至真三十六部尊經真文寶符

國家圖書館, NATIONAL CENTRAL LIBRARY, TAIWAN, R.O.C.



太上三尊十方衆聖玄中大法師
王經中無鞅數衆神仙 不可思議功德

太上彌羅無上天妙有玄真境渺渺紫金闕
太微玉清宮無極無上聖廓落發光明窈窕
浩無宗玄範總十方湛寂真常道恢莫大神
通

玉皇大天尊玄穹高上帝

2025 RELEASED, NATIONAL CENTRAL LIBRARY, TAIWAN R.O.C.





東京国立博物館蔵 東京国立博物館蔵 東京国立博物館蔵





2023.01.01 NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

